

Uunga siunnersuut: Isumaginninnermik suliassaqarfimmi pissaanermik atuineq pillugu**Inatsisartut inatsisaat.**

*Meeqqanut, Inuusuttunut, Ilaqutariinnut Peqqinnissamullu Naalakkersuisunit
saqqummiunneqartoq*

pillugu

Ilaqutariinnermut Peqqissutsimullu Ataatsimiititaliap**siunnersuutit aappassaaneerpeqarnerannut****ISUMALIUTISSIISUTAA**

Ataatsimiititaliaq suliarinninnermini uku ilaasortarai:

Inatsisartunut ilaasortaq Hans Peter Poulsen, Siumut, siulittaasoq
Inatsisartunut ilaasortaq Anna Wangenheim, Demokraatit, siulittaasup tullia
Inatsisartunut ilaasortaq Mikivsuk Thomassen, Inuit Ataqtigiit
Inatsisartunut ilaasortaq Eqaluk Høegh, Inuit Ataqtigiit
Inatsisartunut ilaasortaq Mala Høy Kuko, Siumut
Inatsisartunut ilaasortaq Aslak W. Jensen, Siumut
Inatsisartunut ilaasortaq Emanuel Nuko, Naleraq

UPA2022-imi marsip 22.-iani siullermeerinerup kingorna siunnersuut ataatsimiititaliap misissorpaa.

1. Siunnersuutip imarisaa siunertaalu

Isumaginninnermik suliassaqarfik pillugu Inatsisartut inatsisaata nr. 1, 21. november 2013-meersup akuerineqareernerata kingorna meeqqanut- innarluutilinnullu suliassaqarfiup iluani allannguutininut inatsisinut sinaakkutit Naalakkersuisunit qulakkeerneqassapput.

Inatsisissatut siunnersuummi matumani siunertarineqarpoq meeqqanut suliassaqarfimmi pissaanermik atuinissamut malittarisassat inatsisitigut tunngavigisat nutarterneqarnissaat. Meeqqanut, inersimasunut najugaqarfiit assigiinningsut paaqqinnittarfiillu inatsimmi qulakkeerneqassapput, sulisullu patajaatumik toqqissisimanartumillu atugaqarnissaat inatsisitigullu ersarissumik sinaakkuteqarnissaat qulakkeerneqassalluni. Erseqqinnerusumik oqaatigalugu meeqqat inersimasunik pinerluttunik isertitsivimmeeqateqarnissaat pinngitsoortinniarlugu inatsit ilaatigut qulakkeerinnissaaq.

2. Siunnersuutip Inatsisartunit siullermeerneqarnera

Siunnersuutigineqartoq partiinit tamanit tapersorsorluarneqarpoq ataatsimimiititaliamilu suliarineqartussanngorlugu innersuunneqarpoq.

3. Tusarniaanermi akissuteqaatit

Siunnersuut 2021-imi septemberip qulinganiit oktoberip arfineq pingasuata tungaanut tusarniaassutigineqarpoq, tusarniaanermilu akissutigineqartut inatsisissatut siunnersuummut kakkiunneqarlutik, tamanna Inatsisartut Siulittaasoqarfiata ilusiliinissamut piumasaqaataanut naapertuuppoq.

Tamatumunnga atatillugu ataatsimiititaliap maluginiarpaa tusarniaanermi akissutigineqartunik attuumassuteqartunik tunniussisoqarsimasoq oqaaseqaatigineqartullu arlallit ilanngunneqarlutik.

4. Ilisimatitsiffiusumik ataatsimeeqateqarneq

Inatsisissatut siunnersuutip siullermeerneqarnissaa sioqqullugu Ilaqutariinnermut Peqqissutsimullu Ataatsimiititaliaq Meeqqanut, Inuusuttunut Ilaqutariinnullu Naalackersuisumi inatsisissamik nalilersuipput.

5. Siunnersuutip aningaasatigut kingunerisassai

Siunnersuutip piviusunngortinneqarnerani aningaasatigut kingunerisassai siunnersuummi nalinginnaasumik oqaaseqaammi allaaserineqarput. Matumani allassimavoq, ulloq unnuarlu angerlarsimaffinnik kiisalu najugaqarfinni, ulloq unnuarlu neqeroorutini sulisut sulinermi periusaat inatsisissatut siunnersuummi iluarsineqarput. Kommunalbestyrelsinut, sullissisunut aamma angerlarsimaffinni pisortanut ilitersuinnermut atatillugu ataasiaannartumik aningaasartuuteqartoqarsinnaavoq, Naalackersuisumit suliassaqaarfimmi akisussaasumit akilerneqartussa. Pisortanut aningaasatigut kingunerisassat allaaserineqarnerini Naalackersuisut oqaatigaat, assersuutigalugu pisaanermik atuisariaqalernermit atatillugu immikkut aningaasartuutunik pisariaqartitsisoqartillugu kommuni aningaasartuutaasunik akiliisussaavoq, taakkulu ataatsimut tapiissutinut isumaqatigiinniutinut ilaasussaapput. Tamanna tunngavigalugu ataatsimiititaliaq allatut naliliisinnaanngilaq.

6. Ataatsimiititaliap siunnersuutininik suliarinninnera

Inatsisissatut siunnersuut inatsisitigut sinaakkutit nutarterneqarnissaannut pingaarutilerujussuarmik alloriarnerusoq aammalu inatsisissatut siunnersuut meeqqanut-inuusuttunut- aamma innarluutilinnut suliassaqaarfinni sulisunut najugaqartunullu isumassuinerup pitsaassusaanut pitsanngorsaataassasoq ataatsimiititaliamit nalilerneqarpoq.

Malittarisassat pisaanermik atuisoqartillugu pisariaqarluinnartillugulu aatsaat pisaanermik atuisoqartarnissaanut ersarilluinnartumik allaaserineqarsimasut ataatsimiititaliamit aamma

nalilernerqarpoq. Kommunalbestyrelsinut, sullissisunut najugaqarfinnilu assigiinngitsuni pisortanut ilitersuummut tunngatillugu suliniuteqartoqarnera inatsisip piviusunngortinneqarnissaanut pingaaruteqarluinnarmat ataatsimiititaliamit pitsaasumik isumaqarfigineqarpoq.

6.1 Aappassaaneerinissamut Naalackersuisut allannguissatut siunnersuutaat

Allannguutissatut siunnersuut saqqummiunneqarpoq Ombudsmandip oqaaseqaataa tunngavigalugu, kalaallisuaa danskisuualu imminnut naapertuutinngimmata tassani § 42-mi, imm 1-imi kalaallisuuani iluarsisaaq ”matui silarliit” ilanngunneqarsimanngimmat.

7. Ataatsimiititaliap inassuteqaatai

- Naalackersuisut allannguutissatut siunnersuutaat akuerineqassasoq ataatsimiititaliap isumaqatigiittup inassutigaa

Taamatut oqaaseqarluni isumaliutissiisummilu allassimasutut paasinnilluni matumuuna siunnersuut ataatsimiititaliap aappassaaniigassanngortippaa.

Hans Peter Poulsen



Siulittaasoq



Anna Wangenheim

Mikivuk Thomassen




Siulittaasup tullia


Egaluk Høegh



Mala Høy Kúko



Aslak W. Jensen



Emanuel Nûko

